



Wie die drie kunige vmb die swone reiten.

XXXV. Auentiure.

Nu bindet abe die helme. sprach do Hagene.
 ia lazen wir den Hünen. so vil zechlagene.
 das si der hochgecite. vergezzent nimmer hie.
 was hilfet nu Chriemhilde. das si uns ze Rine niht entlie.

Do entwaffent da des houbet. manic ritter goot.
si sazen vf den veigen. die vor in in daz bloot.
waren in dem strite. mit dem tode chomen.
sit wart der Ezeln geste. vil ubel govme genomen.

Vor abendes zite. geschvof der kunic das.
vnt ooch div koniginne. daz iz versvochten baz.
die hvnischen rechen. durch der geste leit.
des man an si gerte. die helde warens bereit.

Sich hvob ein storme herte. hier v3 vnt ooch dar in.
Danchwart Hagenen brooder. durch degenlichen sin.
spranch vor sinen herren. zen vinden v3 der tvr.
sich versahen fines todes. er chom gesunder wol dar fver.

Der herte strit do werte. vnz iz div naht benam.
do werten sich die geste. als iz in wol gezam.
den Ezeln degenen. den somer langen tac.
hey waz noch der helede. vor in veige gelac.

Zeinen sunewenden. der groze mort geschach.
daz div kuniginne. ir hercenleit errach.
an ir nlichsten magen. vnt svs an manigem man.
da von der kvnee Ezele. vil manigen siechhen gewan.

Sine het der grozen slahie. also niht gedaht.
si het ez in ir ahte. vil gerne dar zvo braht.
daz niwan Hagene aleine. den lip da hete lan.
do geschvof der ubel tiwfel. deiz vber si alle moese ergan.

In was des tages zer ronnen. do gie in sorgen not.
si gedahten daz in bezzer. war ein kurcer tot.
denne lange da ze qvelne. vf vngesvegio leit.
einf vrides si do gerten. die stolzen ritter gemeit.

Si baten daz man brähte. Ezelen dar.
die blvot varwen degene. vnt schone harnasch var.
traten v3 dem hofe. die drie konige her.
sine wessen wem zeklagene. diu ir vil groslichen ser.

Ezel vnt Chriemhilt. die chomen beide dar.
daz lant daz was ir eigen. des merte sich ir schar.
er sprach 3v den kunigen. sagt was welt ir min.
ir wenet vride gewinnen. daz chynde moelich gesin.

Vf schaden also grozen. als ir mir habt getan.
irn suldes niht geniezen. sol ich min lebn han.
min kint daz ir mir swoget. vnde vil der mage min.
des ensol mit sine lebene. iwer deheiner chomen hin.

Des antwre Gvnther. des twanch vns starchiv not.
alles min gesunde. lac von den dinen tot.
an den herbergen. wie het ich daz versolt.
ich chom 3v dir vf triwe. vnt wande daz du mir wärest holt.

Do sprach von Burgonden. Giselher daz kint.
ir Ezeln rechen. die noch hie lebende sint.
was wizet ir mir degene. was han ich ir getan.
wande ich vil minnekliche. indisse lant geriten han.

Si sprachen diner gvete. ist al diu bvrch vol.
mit iamer 3v dem lande. ia gonden wir dir wol.
daz du nie chomen wärest. von Wormez ober Rin.
dis lant ist gar verweist. von dir vnt ovch den magen din.

Do sprach inzornes mvote. Gvnther der degen.
welt ir disse starches hazzen. zeiner svene legen.
mit vns vil ellenden. deist beidenthalben gvot.
ez ist gar ane schulde. swaz vns Ezele getvot.

Do sprach der wirt zen gesten. min unt iwer leit.
div sint vil vngeliche. div michel arebeit.
des scaden zu den schanden. die ich han genomen.
des sol iv deheiner. mit dem libe hinnen chomen.

Do sprach zu dem kunige. Gernot der hochgemvot.
so sol iv got gebieten. das ir wol tvot.
wichet von dem huose. vnt lat vns zu ziv gan.
sit wir zu dem lebene. haben also chleinen wan.

Swaz vns gesehehn chvenne. das lazet churz ergan.
ir habt so vil gesunder. vnt tvrens vns bestan.
das si vns stormen mvede. lazent niht genesen.
sit das ist vnwendech. wir muosen hie verderbet wesen.

Die Ezeln rechen. die heten ez nach getan.
das sife v; dem huose. wolden lazen gan.
do das gehorte Chriemhilt. ez was ir grimme leit.
des wart den ellenden. do der vrude wider seit.

Keina Honen rechen. des ir da habet mvot.
ich rat an rechten triwen. das ir des niene tvot.
das ir die mort rechen. iht lazet for den sal.
so muosen iwer frivnde. liden totlichen val.

Ob ir nu niemen lebte. niwan div Voten kint.
die minen edeln brveder. vnt chomens an den wint.
erscholten in die ringe. so sit ir alle verlorn.
ez enworden chvner degene. nie zer werlde geboren.

Do sprach der herre Gifelher. vil liebiv swester min.
wie mohte ich des getrowen. do do mich ober Rin.
so minneklichen ladetes. her indizze lant.
das mir so grozer chumber. solde werden hie bechant.

Ich was dir ie getriwe. nie getet ich dir leit.
vf solhen gedingen. ich her zehove reit.
das do min frivnt wärest. vil edeliv swester min.
begench an vns genade. sit ez niht anders kan gesin.

Ine mag iv niht genaden. vngenade ich han.
mir hat von Tronege Hagene. so leide getan.
da heime vnt hie zelande. svoger mir min kint.
des muosen sere engelten. die mit iv da her chomen sint.

Welt aber ir mir ze gisfel. den min vint geben.
sone wil ich; niht versprechen. ichn welle ivch lazen leben.
wan ir sit min brooder. vnt einer mvoter chint.
so rede ihs zeiner soone. mit disen rechen die hie sint.

None welle got von himele. sprach do Gernot.
ob vnser tosent wären. wir legen alle tot.
der sippen diner mage. e' wir dir einen man.
gäben hie ze gisfel. ez wirdet nimmer getan.

Wir muosen doch ersterben. sprach do Giselher.
vnf enscheidet niemen. von ritterlicher wer.
swer gerne mit vnf strite. wir sin et aber hie.
wande ich der minen frivnde. an triwen nie dcheinen lie.

Do sprach der chvne Danchwart. fvr die degene.
iane stet noh niht eine. min brooder Hagene.
die hie den vrde versprechen. ez mag in werden leit.
des bringen wir ivch innen. das si iv wertlich gesett.

Do sprach div koniginne. ir helde vil gemeit.
nv get der stiegen naher. vnt rechet vnser leit.
das wil ich immer dienen. als ich von rehte sol.
der Hagenen obermwete. der gelon ich im wol.

Springet zu dem hofe. ir rechen iber al.
so heiz ich vieren enden. zonden an den sal.
so werdent wol errochen. elliu vnser leit.
die Ezelen degene. die wreden schiere bereit.

Die noch hier vzen stunden. die triben si dar in.
mit flegen vnt mit schyzen. wider in den palas hin.
sich wolden nie gescheiden. die fursten unt ir man.
sine mohten von ir triwen. niht ein ander verlan.

Den sal hiez do zonden. daz Ezeln wip.
do quelte man den rechen. mit fiure da den lip.
daz hoos von einem winde. mit chraft vil hohe enbran.
ich wän ie volch deheinez. grozer angeft mer gewan.

Genuge rosten drinne. owe dirre not.
wir mohten michel gerner. sin instorme tot.
daz moze got erbarmen. wie vlfen wir den lip.
nu richet ungesvoze. ir zorn an vns des kuniges wip.

Ir einer sprach dar inne. wir mozen ligen tot.
vor rouche vnt oveh vor hize. deist ein grimmiv not.
mir tvot vor starcher hize. der dorst so rehte we.
des wen min leben schiere. in disen sorgen zerge.

Do sprach von Tronege Hagene. ir edeln ritter gvot.
swen der dorste nu twinge. der trinche hie daz bloot.
daz ist insolhen noten. noch bezzer danne win.
for trinchen vnt for spise. kan niht anders nu gesin.

Do gie der rechen einer. do er einen toten vant.
er kniet im zu der wunden. den helm er abe gebant.
do begunder trinchen. daz vliezende blvot.
swie ungewon er des wäre. ez dohte in grözlichen gvot.

Nu lon id got von himele. sprach der muode man.
daz ich von ivrem rate. so wol getronchen han.
mir ist geschenchet selten. dehein bezzer win.
leb ich deheine wile. ich sol ez dienende sin.

Do dandern daz gehorten. daz ez in dohte gvot.
do wart ir michel mere. die tronchen ovch daz blvot.
da von begunde chresten. der gvten rechen lip.
des engalt an lieben frivnden. sit vil manic sehone wip.

Daz fir viel genote. zo zin in den sal.
do leitten si mit schilden. von in hin zetal.
der roovch vnt ovch div hize. in beidiv taten we.
ia wän ez an heleden. der iamer immer mer erge.

Do sprach von Tronege Hagene. stet zo des sales want.
lat niht die brende vallen. vf iwer helm bant.
vnt tret si mit den fuozen. tiefer indaz blvot.
ez ist ein vbel hochgecit. die vns div kvneginne tvot.

In sos getanen leiden. in iedoch der naht zer ran.
noch stunden vor dem hofe. die zwene chvne man.
Volker vnt Hagene. geleinet vber rant.
si hvten ir gesundes. vzer Burgonden lant.

Die geste half daz sere. daz der sal gewelbet was.
davon ir deste mere. in der not genas.
wan daz si zen venstern. von fiore liten not.
do nerten sich die degene. als in ir ellen daz gebot.

Do sprach der videläre. nu ge wir in den sal.
so wellent die hvnen. wenen vber al.
wir sin innot erstorben. div an vns ist getan.
si sehent vns begegene. noch ir eteflichen gan.

Do sprach von Burgonden. Gifelher daz kint.
ich wän ez tagen welle. sich hebt ein chveler wint.
no laze vns got von himele. noch lieber cit geleben.
vns hat min swester Chriemhilt. ein arge hochgecite gegeben.

Do sprach aber einer. ich chivse nu den tac.
sit daz ez vns bezzer. wesu nine mac.
so bereitet ir ioch rechen. ze strite deist vns not.
wir chomen doch nimmer hinne. daz wir mit eren ligen tot.


Der chonich wolde wänen. die geste wären tot.
vnt och div kuniginne. von des fivres not.
do lebt ir noch dar inne. sechshundert chvner man.
daz nie kuncer deheiner. bezzer degene gewan.

Der ellenden hvote. hete wol ersehen.
daz noch die geste lebten. swie vil in was geschehen.
ze schaden vnt ze leide. den kunigen vnt ir man.
man sah ir noch genvoege. vil wol gesunt dort inne stan.

Man sagt der kuniginne. ir wäre vil genesen.
do sprach div frowe here. daz enchvnde nimmer wesen.
daz ir deheiner lebte. in des fivres not.
ich wil des baz getrowen. daz si alle ligen tot.

Noch genäsen gerne. die forsten vnt ir man.
ob in iemen häte. genade da getan.
den kunden si niht vinden. an den von Hynen lant.
do rachen si ir sterben. mit vil willechlicher hant.

Vil frowe wider morgen. grozen man in bot.
mit starchem vrlivge. des chomen helde innot.
do wart zuo zin geschozzin. vil manic scharpfer ger.
noch funden si dar inne. ze wer die rechen also her.



Dem Ezeln gefinde. erwegt was der mvot.
si wolden vaste dienen. daz Chriemhilde goot.
dar zu si wolden leisten. daz in der kunec bot.
des chomen aber die degene. in vil angeflliche not.

Von geheize vnt ouch von gabe. man mohte wnder sagen.
dar hiez si golt daz rote. inden schilden tragen.
si gab ez swer sin vrochte. vnde ez wolde enpfan.
iane wart nie grozer solden. mer vf vinde getan.

Ein michel chraft der rechen. dar zu gewasent gie.
do sprach der videläre. wir sin et aber hie.
ine gesach zem tode. nie helde gerner chomen.
die daz golt des kuniges. vnf ze vare hant genomen.

Do riefen ir genoge. naher heledē baz.
daz wir da solen enden. vnt tvon bezite daz.
hie belibet niemen. wan doch der sterben sol.
do sahe man schiere ir schilde. stechen ger schuzze vol.

Was mag ich sagen mere. wol zwelf hondert man.
versohnten ez vil sere. wider vnt dan.
do choltē an den vinden. die geste wol ir mvot.
ez enmohte niemen scheiden. des sah man vliezen daz blvot.

Von verch tiefen wnden. der wart da vil geslagen.
do horte man genvoge. nach ir frivnden chlagen.
die fromen storben alle. dem richen konige her.
des heten holde mage. nach in iamer vnt ser.